



O Xurado Provincial de Clasificación de Montes veciñais de Pontevedra, dictou a seguinte **RESOLUCIÓN**:

ASISTENTES

PRESIDENTE

D. Gonzalo Constenla Bergueiro
(Delegado Provincial da Consellería do Medio Rural)

VOCAIS

D. Víctor Abelleira Argibay
(Avogado polo Colexio da provincia)
Dna. M^a Jesús Novoa Suárez
(Letrado da Asesoría Xurídica da Xunta)
D. Jesús de la Fuente Villar
(Xefe do Servizo de M.I.F.)

VOCAIS REPRESENTANTES DO LUGAR DE PAZOS, CONCELLO DE O COVELO

D. Avelino Fortes Lorenzo
D. Antonio Pereira Alvarez

SECRETARIO

D. José M^a Muiños Mayoral

Na cidade de Pontevedra, sendo as dezasete horas do día dezaoto de outubro do 2007, coa asistencia das persoas ó marxe reseñadas, reúnese na 4^a planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación dos montes "Regueiro e outros" do lugar de Pazos, do concello de O Covelo.

ANTECEDENTES DE FEITO

PRIMEIRO.- Con data de entrada 21/06/06, D. Avelino Fortes Lorenzo, na súa condición de presidente da asociación de veciños do lugar de Pazos, do concello de O Covelo, e en representación da mesma, presenta solicitude de iniciación de expediente de clasificación dos montes "Regueiro e outros" como veciñais en man común para os veciños do lugar de Pazos, acompañando informe técnico e pericial, describindo o monte, identificación, superficie, ocupacións e lindeiros.

SEGUNDO.- O rexistrador da propiedade de Ponteareas, certifica con data 17/04/07, que os montes solicitados non aparecen inscritos a nome de persoa algunha.



TERCEIRO.- Á vista da documentación aportada polo solicitante e o informe do Servizo de M.I.F. os montes obxecto do presente expediente, obedecen á seguinte descripción:

CONCELLO: O COVELO

LUGAR: PAZOS

NOME DO MONTE: "Regueiro e outros"

Nome do monte: "Regueiro"

Superficie: 0,154 Has.

Lindes:

Norte: Predios particulares de herdeiros de Secundino Diz

Sur: Predios particulares de Dosinda Diz

Leste: Regueiro

Oeste: Estrada de Pazos á Ermida

Nome do monte: "Baldío do Coto"

Superficie: 0,032 Has.

Lindes:

Norte: Camiño

Sur: Sendeiro e predios particulares de herdeiros de Benito Vázquez

Leste: Predios particulares de herdeiros de Francisco Vázquez e herdeiros de Adolfo Méndez

Oeste: Camiño

Nome do monte: "Muíños"

Superficie: 0,382 Has.

Lindes:

Norte: Regato de Bouciña e predios particulares de Juan Fco. Graña Martínez

Sur: Río de Covelo

Leste: Predios particulares de herdeiros de Antonio Vázquez

Oeste: Camiño de Pazos a Mangón

CUARTO.- Realizadas as comunicacións do artigo 23 do Decreto 260/1992, do 4 de setembro, e aberto período de audiencia, non se presentan alegacións

FUNDAMENTOS DE DEREITO

Primeiro: O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.



Segundo.- De conformidade có artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 240/1992 do 4 de setembro comprende entender por montes veciñais en man común “... os terreos radicados na Comunidade Autónoma de Galicia que con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños”.


Terceiro.- O uso en man común dos montes solicitados tense suficientemente acreditado pola documentación aportada polos solicitantes e polo feito que no trámite de audiencia non se presentaran alegacións de ningún tipo.

En consecuencia, vista a Lei galega 13/1989, do 10 de outubro, de Montes Veciñais en Man Común e o seu Regulamento, aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación, propónse polo Instructor e de maneira unánime o Xurado **ACORDA:**

CLASIFICAR como veciñais en man común os montes “Regueiro e outros”, a favor dos veciños do lugar de Pazos, do concello de O Covelo, de acordo coa descrición reflectida no feito terceiro e a planimetría elaborada ó efecto polo Servizo de Montes e Industrias Forestais que forma parte inseparable da presente Resolución

Contra a presente Resolución que pon fin á vía administrativa, poderase interpoñer recurso de reposición con carácter potestativo perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo perante o Xurado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.





TRABALLO: **PLANO DE CLASIFICACIÓN DOS MONTES DENOMINADOS "REGUEIRO", "BALDIO DO COTO" E "MUIÑOS" DO LUGAR DE PAZOS.**

CONCELLO: COVELO
 AUTOR: SECCION TOPOGRAFIA
 DATA: OUTUBRO / 2007
 FOLLA: 1 / 1

| LENDAS: | |
|---------|-------------------------------------|
| | Liña límite de parcela clasificada. |
| | Igrexa |
| | Correio. |
| | Liña eléctrica. |
| | Aromada,cerca metálica. |
| | Curvas de nivel-Cotos. |
| | Estrado-Fito quilometrico. |
| | Comiño, pista. |
| | Rego, regoto. |
| | Ríos. |
| | Límite de cultivo. |
| | Moso de árbores. |
| | Muro, topio. |
| | Edificio, construcion. |

OBSERVACIÓNS: A base cartográfica empregada está extraída do cartografía a escala 1/5.000 da Dirección Xeral de Urbanismo do Consellería de Política Territorial Obros Públicos e Vivendo da Xunta de Galicia. A liña límite dos parcelas clasificadas foi facilitado polo solicitante da clasificación, sendo insuficiente a planimetría aportado ó non cumprir coas especificacións da Sección de Topografía. Non tendo esta sección constancia de que se teño feito medición algunha. Proxección UTM, fuso 29, Datum Internacional, elipsoide de Hayford.

ESCALA: 1 / 5.000

O Topógrafo do Servizo
 O Enxeñeiro Técnico en Topografía

Pablo Carballo Cruz



XUNTA DE GALICIA

CONSELLERÍA DO MEDIO RURAL
 SERVIZO DE MONTES-DELEGACION DE PONTEVEDRA